

1. ÇFARË NËNKUPTON STATUSI OEA?

Operatori Ekonomik i Autorizuar (OEA) është një status i lëshuar për “bizneset me besueshmëri” të cilët mund të përfitojnë nga shumë thjeshtime doganore dhe që ndërtohet në parimet e transparencës, korrektësisë dhe përgjegjësisë reciproke.

Koncepti OEA bazohet në partneritetin doganë-biznes me qëllim që operatorët ekonomikë, me vullnet të lirë, të plotësojnë një sërë standartesh për të garantuar objektivin e përbashkët të sigurisë së zinxhirit të furnizimit.



2. KUSH MUND TË APLIKOJË PËR STATUSIN OEA?

Sipas përcaktimeve të nenit 40 të Kodit Doganor (KD), pika 1, një operator ekonomik i cili është i vendosur në territorin doganor të Republikës së Shqipërisë dhe përmbush kriteret e vendosura në nenin 41 të KD, mund të aplikojë për statusin e operatorit ekonomik të autorizuar.

Programi i OEA është i hapur për të gjithë operatorët ekonomikë, duke përfshirë ndërmarrjet e vogla dhe të mesme pavarësisht nga roli i tyre në zinxhirin ndërkombëtar të furnizimit.



3. SI MUND TË APLIKOJ PËR STATUSIN OEA DHE CILËT JANË HAPAT E PARË PËR FILLIMIN E KËTIJ PROCESI?


Çdo operator ekonomik që shfaq interes për t'u pajisur me statusin OEA mund të aplikojë në dy mënyra:

- Në protokollin e DPD (hard copy);
- Online (në adresën e-mail - lehtesimedoganore.dpd@dogana.gov.al)


Hapi i parë për fillimin e kësaj procedure është plotësimi i Aneksit 12 (formular aplikimi) dhe Aneksit 13 (pyetësori i vetëvlerësimit), të cilët duhet të plotësohet në mënyrë të detajuar duke u referuar gjithmonë tek shënimet shpjeguese në fund sipas çdo seksioni të tyre.



4. CILAT JANË LLOJET E CERTIFIKATAVE OEA?



5. CILI ËSHTË HISTORIKU I PROGRAMIT OEA NË SHQIPËRI?



7. CFARË NËNKUPTON MARRËVESHJA PËR NJOHJEN E PËRBASHKËT TË OEA DHE CILAT JANË PËRFITIMET?

Njohja e përbashkët përfshin faktin që administrata doganore e një vendi njeh autorizimin OEA të lëshuar nga programet e tjera dhe është dakord të ofrojë përfitime/lehtësi të rëndësishme, të krahasueshme dhe aty ku është e mundur reciproke për OEA-në e njohur reciprokisht.

PËRFITIMET:

- Numër më të kufizuar kontrollesh fizike dhe dokumentare.
- Thjeshtime në inspektime në lidhje me të gjitha procedurat e zhdoganimit dhe reduktim të procedurave në masën maksimale të mundshme;
- Shkëmbime të dhënash midis autoriteteve doganore në masën që lejon çdo legjislacion kombëtar
- Njohje reciproke të programeve kombëtare të OEA-ve në çdo palë të CEFTA-s, me kusht që legjislacioni dhe zbatimi i çdo programi kombëtar të jenë në përputhje të plotë me legjislacionin përkatës të BE-së.

6. CILAT JANË BENEFITET E MBAJTËSIT TË STATUSIT OEA?

Më pak kontrolle fizike dhe të dokumentare në krahasim me operatorët e tjerë	Trajtim prioritar dhe njoftim paraprak në rast selektimi për kontroll doganor
Akses më i lehtë për thjeshtime doganore	Zgjedhja e vendit ku do të bëhet kontrolli doganor
Njohja si një partner i sigurt biznesi	Marrëdhënie më të mira me autoritetet doganore dhe autoritete të tjera shtetërore
Njohje reciproke me vende të tjera	Përfitime të tjera indirekte



8. A MUND TË JETË NJË KËSHILLTAR I JASHTËM I KOMPA-NISË PIKË KONTAKTI PËR ADMINISTRATËN DOGANORE NË FUNKSION TË STATUSIT OEA?

Pikë kontakti e një operatori ekonomik për autoritetet doganore duhet të jetë një punonjës me kohë të plotë i kompanisë, me njohuri dhe kompetenca mbi procedurat doganore. Persona, kompani të këshillimit apo agjentët doganorë mund të suportojnë në çdo rast kompaninë në funksion të përmbushjes së gjithë procedurës së aplikimit për statusin OEA dhe dokumentacionit të nevojshëm.



9. CILAT JANË KRITERET QË DUHET TË PLOTËSOJ PËR T'U PAJISUR ME CERTIFIKATË OEA?



1. Konformiteti - gjatë 3 viteve të fundit, aplikuesi (operatori ekonomik), drejtuesi apo drejtuesit e tij, si punonjësi i ngarkuar me çështjet doganore të aplikuesit, nuk ka kryer shkelje serioze ose shkelje të përsëritura të legjislacionit doganor dhe tatimor dhe nuk ka kryer vepra penale që lidhen me veprimtarinë e tij ekonomike;
2. Të disponojë sistem efikas të menaxhimit të të dhënave tregtare dhe të transportit- të demonstrojë një nivel të lartë kontrolli të lëvizjes së mallrave me anë të një sistemi që menaxhon regjistrimet tregtare dhe, kur është me vend, edhe regjistrimet e transportit, i cili lejon kryerjen e kontrolleve të duhura doganore.
3. Të ketë aftësi paguese financiare të provuara me pasqyrat financiare të 3 viteve të fundit;
4. Të plotësojë standardet praktike të kompetencave ose kualifikimet profesionale;
5. Të plotësojë standardet e sigurisë dhe të mbrojtjes (në rastet kur aplikohet për OEA-S).



10. NË CILAT RASTE REFUZOHET APLIKIMI PËR STATUSIN OEA?

Një aplikim për përfitimin e statusit OEA refuzohet në rast se nuk plotësohet 1 apo disa nga kushtet e parashikuara nga neni 41 i Kodit Doganor. Refuzimi i aplikimit për OEA nuk çënon vendimet e favorshme të marra në lidhje me aplikuesin, në përputhje me legjislacionin doganor ekzistues, përveç rasteve kur dhënia e këtyre vendimeve të favorshme është e bazuar në përmbytjen e ndonjë prej kriterëve OEA që provohen se nuk janë përmbytshur gjatë shqyrtimit të aplikimit OEA.



11. CILAT JANË FUSHAT QË KONTROLLOHEN GJATË VIZITAVE NË KOMPANI NGA GRUPI I VALIDIMIT/AUDITIMIT?

- PROCEDURAT DOGANORE;
- SISTEMIN IT/CCTV;
- KUSHTET E SIGURISË;
- ANALIZËN E RISKUT;
- ASPEKTET FINANCIARE;
- BURIMET NJERËZORE;
- PROCESET LOGJISTIKE.



12. KUR DHE SI MUND TË REVOKOHET/ANULOHEJ STATUSI OEA PËR NJË KOMPANI?

Autoritetet doganore anulojnë autorizimin e OEA-së nëse plotësohen të gjitha kushtet e mëposhtme:

- a) Vendimi për autorizimin e OEA-së është marrë mbi bazën e informacioneve të pasakta dhe të paplota;
- b) OEA-ja kishte dijeni ose duhej të ishte në dijeni se informacioni ishte i pasaktë ose i paplotë;
- c) Nëse informacioni do të ishte i saktë dhe i plotë, vendimi për autorizimin e OEA-së do të ishte ndryshe.



13. KU DHE SI MUND TË DREJTOHEMI PËR MARRJEN E INFORMACIONIT APO PAQARTËSI QË MUND TË KEMI NË LIDHJE ME KËTË PROCES?

Në website-n zyrtar të Drejtorisë së Përgjithshme të Doganave gjendet një dritare e dedikuar vetëm për OEA-të (<https://dogana.gov.al/c/170/284/operatoret-ekonomike-te-autorizuar>).

Gjithashtu, për çdo pyetje apo paqartësi mund të shkruani edhe në adresën e e-mail lehtesimedoganore.dpd@dogana.gov.al.



14. CFARË ROLI MUND TË KETË MBAJTËSI I STATUSIT OEA NË ZINXHIRIN NDËRKOMBËTAR TË FURNIZIMIT?



15. MBAJTJA E STATUSIT OEA SUPOZON ELEMENIMIN E ÇDO LLOJ KONTROLLI NGA AUTORITETET DOGANORE SHQIPTARE?

Mbajtja e statusit të OEA nuk supozon eliminimin e të gjitha kontrolleve doganore por reduktimin maksimal të tyre. Autoritetet doganore mund të vendosin të ushtrojnë kontrolle duke marrë në konsideratë një rrezik specifik apo detyrimet për kontroll sipas përcaktimeve në ligjet specifike (p.sh. legjislacioni që lidhet me sigurinë e produktit).



PYETJET MË TË SHPESHTA PËR STATUSIN OEA